

## ¡BOMBA!

No se trata de negar los derechos laborales, pero es extraño mirar rojinegros de hace años



# K'uintsil

Edición de fin de semana, del viernes 22 al domingo 24 de julio de 2022

CAMPECHE · YUCATÁN · QUINTANA ROO · AÑO 8 · NÚMERO 1785 · [www.lajornadamaya.mx](http://www.lajornadamaya.mx)

## TÓOLOK

### SÉEBA'AN U YILA'AL WA LETI' YÓOK'LAL U YOOK

Tóoloke' k'ajóolta'an ich káastelan t'aan beey basilisco rayado, yéetel u sieentifikoil k'aaba'e' *Basiliscus vittatus*. Le je'elo', juntúul ba'alche' sijjil tu noj lu'umil México yéetel Centroamérica, beyxan ti' Áreas Naturales Protegidas yaan tu Petenil Yucatán.

Hugo Navarro Solano, máax jo'olbesik Parque Nacional Tulum (PNT) ti' u mola'ayil Comisión Nacional de Áreas Naturales Protegidas (Conanp), tu ya'alaje' óol talam u yila'al kéen u ta'akubáaj ich xiiwo'ob yéetel k'áax, ba'ale' séeb u yila'al wa leti' kéen áalkabnak yóok'lal u yooko'ob.

Le chan ba'alche'a' séeba'an u péek yéetel suuk u máan bulk'iin, ts'o'okole' kex ti' lu'um suuk u yantale' láayli' ku na'akal tu k'ab che' tumen yaan u yíich'ak.

"Te'e k'iino'oba' ya'ab ku yantal PNTi', ma' sajbe'entsil yanik u ch'éejelo'obi' yéetel u xiibile' asab nojoch ti' u xch'uupulil, ts'o'okole' u p'ote' maas chichan xan", tu tsikbaltaj.

U xiibile' je'el u p'isik tak 61 cms u chowakil, pa'ate yéetel u nej; u aalile' kex ichil 200 tak 600 graamos. U p'ote' ku káajal tu pool, ku yéemel tu paach yéetel k'ucha'an tak tu nej, u boonile' óol chakboox wa ya'axboox yéetel u boox t'oolil. Chowak u yaal u k'ab yéetel u yíich'ake' yaan u jej. Tu yaal u k'ab u yooke' yaan u yoot'el yéetel le ku jáayal kéen púuts'uk.



MIGUEL AMÉNDOLA  
OOCHEL ASHWIN SRINIVASAN

ESPECIAL: FAUNA NUESTRA | P. 44 TAK 46